



SLUŽBENE NOVINE GRADA ZENICA

GODINA XLVIII
Broj 9

Srijeda, 06.07.2022. godine

ISSN 1840-4588

GRADSKO VIJEĆE

130.

Na osnovu člana 21. Statuta Grada Zenica („Službene novine grada Zenica“, broj: 5/15) i člana 36. Poslovnika Gradskog vijeća („Službene novine grada Zenica“, broj: 4/17, 4/20 i 10/21), a u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“, broj: 13/07, 13/11, 3/15 i 2/16), Gradsko vijeće Zenica, na svojoj 25. sjednici održanoj dana 06.07.2022. godine, donosi:

ODLUKU O SUBVENCIONIRANJU TROŠKOVA GRIJANJA ZA SEZONU 2021./2022. GODINE

I. Opće odredbe

Član 1.

Ovom odlukom utvrđuje se pravo na subvencioniranje troškova grijanja, obim prava, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvenciju troškova grijanja.

Član 2.

- 1) Troškovi grijanja u smislu ove odluke su:
 - a) troškovi zagrijavanja stambenog prostora toplotnom energijom iz sistema centralnog grijanja kojim upravlja JP „Grijanje“ d.o.o. Zenica (u daljem tekstu: centralno grijanje)
 - b) troškovi zagrijavanja stambenog prostora alternativnim izvorima toplotne energije kao što su: drvo, ugalj, plin, nafta i dr., (u daljem tekstu: alternativno grijanje).

- 2) Troškovima grijanja, u smislu ove odluke, smatraju se troškovi nastali u periodu od 01.07.2021. do 30.06.2022. godine.

II. Obim prava na subvencioniranje troškova grijanja

Član 3.

- 1) Subvencioniranje troškova grijanja (u daljem tekstu: subvencija), u smislu ove odluke, je pravo na subvenciju troškova:
 - a) alternativnog grijanja u jednokratnom iznosu od 110,00 KM,
 - b) 100% iznosa mjesečnih računa za usluge centralnog grijanja.
- 2) Računom centralnog grijanja smatra se račun JP „Grijanje“ d.o.o. Zenica ispostavljen licima koja ostvaruju pravo na subvenciju u skladu sa ovom odlukom.

III. Korisnici prava na subvenciju

Član 4.

- 1) Korisnik prava na subvenciju je korisnik prava na stalnu novčanu pomoć kod JU Centar za socijalni rad Zenica, koji je ostvario pravo do 15.10.2021. godine.
- 2) Korisnici su dužni prijaviti svaku nastalu promjenu koja je od uticaja za ostvarivanje ovog prava u roku od 15 dana od dana nastale promjene.

Član 5.

Prava iz ove odluke su lična, neprenosiva i mogu se koristiti samo po jednom osnovu.

IV. Postupak za ostvarivanje prava na subvenciju**Član 6.**

- 1) Postupak za ostvarivanje prava na subvenciju troškova po ovoj odluci po službenoj dužnosti vodi JU Centar za socijalni rad Zenica (u daljem tekstu: Centar).
- 2) Subvencioniranje troškova centralnog grijanja vršiće se na sljedeći način:
 - a) Centar izrađuje tabelarni pregled korisnika koji sadrži sljedeće elemente:
 - 1) redni broj, prezime i ime korisnika,
 - 2) prezime i ime lica kod koga korisnik stanuje,
 - 3) adresa stana, površinu stana u m², broj članova domaćinstva,
 - 4) period za obračun i iznos subvencije.
 - b) Ovako sačinjen pregled, Centar dostavlja JP „Grijanje“ d.o.o. Zenica radi usaglašavanja.
 - c) Nakon usaglašenog pregleda između Centra i JP „Grijanje“ Zenica Centar vrši izradu rješenja, spajanjem predmeta u jedan, u skraćenoj formi, bez obrazloženja koje sadrži sve elemente iz usaglašenog tabelarnog pregleda.
- 3) Subvencioniranje troškova alternativnog grijanja vršiće se na sljedeći način:
 - a) Centar za socijalni rad vrši izradu rješenja, spajanjem predmeta u jedan, u skraćenoj formi, bez obrazloženja koje, pored novčanog iznosa, sadrži i sljedeće elemente:
 - 1) redni broj, prezime i ime korisnika,
 - 2) JMBG korisnika i
 - 3) adresu korisnika.
 - 4) Rješenja iz stava (2) i (3) ovoga člana objavljuju se na oglasnoj tabli Centra. Rješenja postaju pravosnažna osmog dana nakon objavljivanja na oglasnoj tabli.
 - 5) Pravosnažno rješenje kojim je utvrđeno pravo na subvenciju troškova centralnog grijanja Centar prosljeđuje JP „Grijanje“ Zenica

na dalje postupanje, JP „Grijanje“ za korisnike, prema dostavljenom pravosnažnom rješenju, Centru ispostavlja obračun kao osnov za plaćanje.

- 6) Rješenje, kojim je utvrđeno pravo na subvenciju troškova alternativnog grijanja, realizoveće se po propisima i procedurama trezorskog poslovanja.
- 7) Pravosnažna rješenja, kojim je utvrđeno pravo na subvenciju, se dostavljaju i Službi za socijalnu zaštitu, stambene poslove i društvene djelatnosti.

V. Sredstva za finansiranje**Član 7.**

Finansijska sredstva za realizaciju ove odluke planirana su u Budžetu Grada Zenica za 2022. godinu na poziciji budžetskog korisnika JU Centar za socijalni rad Zenica, organizacioni kod 59010002, Posebne namjene, Ekonomski kod 614200, Budžetska pozicija 181- Izdaci za grijanje korisnika socijalne pomoći.

VI. Prijelazne i završne odredbe**Član 8.**

Korisnici stalne novčane pomoći kod JU Centar za socijalni rad Zenica, nastanjeni u naselju Kamp Putovići, za koje Grad Zenica plaća električnu energiju, ne ostvaruju pravo na subvenciju na alternativno grijanje iz člana 3. ove odluke.

Član 9.

Za realizaciju ove odluke zadužuje se:

- a) JU Centar za socijalni rad Zenica,
- b) Služba za socijalnu zaštitu, stambene poslove i društvene djelatnosti,
- c) Služba za budžet i finansije Grada Zenica i
- d) JP „Grijanje“ Zenica.

Član 10.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-45-14772/22
Zenica, 06.07.2022. godine

*PREDSJEDAVALJUĆI
GRADSKOG VIJEĆA ZENICA
Mirza Husetić, s.r.*

131.

Na osnovu člana 14. stav 1. Zakona o komunalnim djelatnostima ("Službene novine Zeničko-dobojskog kantona", broj: 17/08) i člana 21. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na 25. sjednici održanoj dana 06.07.2022. godine, donijelo je:

ODLUKU

O IZMJENI ODLUKE O ZAGRIJAVANJU STAMBENOG I POSLOVNOG PROSTORA GRADA ZENICE DALJINSKIM GRIJANJEM I USLOVA ZA ISPORUKU I PREUZIMANJE TOPLOTNE ENERGIJE IZ VRELOVODNE MREŽE

Član 1.

U Uslovima za isporuku i preuzimanje toplotne energije iz vrelovodne mreže ("Službene novine Općine Zenica", broj: 7/02, 6/13, 9/17 i 4/18), koji čine sastavni dio Odluke o zagrijavanju stambenog i poslovnog prostora grada Zenice daljinskim grijanjem ("Službene novine Općine Zenica", broj: 7/02, 6/13, 9/17 i 4/18), u članu 48. stav 3. interpunkcijski znak "," (zarez) iza riječi "mjesto Zenica" i rečenica "a troškove će pokriti naredbodavac" BRIŠU SE, a iza riječi "mjesto Zenica" stavlja se interpunkcijski znak "." (tačka).

Član 2.

Ova Odluka stupa na snagu osam dana od dana objavljivanja u "Službenim novinama Grada Zenica"

Broj: 01-45-14794/22

Zenica, 06.07.2022. godine

PREDSJEDAVALA
GRADSKOG VIJEĆA ZENICA
Mirza Husetić, s.r.

132.

Na osnovu člana 13. stav (1) i (2) Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09), člana 21. t. 2), a u vezi sa članom 116. stav (1) i (2) Statuta Grada Zenica ("Službene novine Grada Zenica", broj: 5/15), člana 36., 37. i 62. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), Gradsko vijeće Zenica, na svojoj 25. sjednici održanoj dana 06.07.2022. godine, na prijedlog Etičke komisije, donijelo je

O D L U K U

o dopuni Odluke o izmjenama Etičkog kodeksa za izabrane zvaničnike Grada Zenica

Član 1.

U Odluci o izmjenama Etičkog kodeksa za izabrane zvaničnike Grada Zenica ("Službene novine Grada Zenica", broj: 6/21) iza člana 3. Odluke dodaje se novi član 4. koji glasi:

Zadužuje se Komisija za propise da sačini prečišćen tekst Etičkog kodeksa za izabrane zvaničnike Grada Zenica ("Službene novine Općine Zenica", broj: 1/08 i „Službene novine Grada Zenica“, broj: 6/21) u roku od 60 dana od dana stupanja na snagu ove odluke.

Član 2.

Ova odluka stupa na snagu osmog dana od dana objavljivanja u "Službenim novinama Grada Zenica".

Broj: 01-45-14771/22

Zenica, 06.07.2022. godine

PREDSJEDAVALA
GRADSKOG VIJEĆA ZENICA
Mirza Husetić, s.r.
